

LIBURU SINAKETA. Jende ugari baliatu zuen EHNEko kidearengana hurbiltzeko aukera

Paul Nicholson, irakurleen ondoan

Ramalan bizi zuena jasotzen duen liburua sinatu zuen EGUNKARIAren 'stand'-ean

Juan Luis Zabala | DURANGO

Karpa azpiko kaleak beterik zirela, etenik gabe aritu ziren atzo egutegiak saltzen eta boltsa txuri handietan sartzen EGUNKARIAKO stand-eko saltzaileak, batez ere arratsaldean, Martxelo Otamendi EGUNKARIAKO zuzendaria eta Paul Nicholson EHNE sindikatuko kide eta Nekazarien Bidea erakundeko burua stand-aren atzean izan zirenean. Beste produktu batzuk ere salmenta onak izan zituzten, *Bidaide* eta Jose Mari Pastor kazetariaren *Paul Nicholson, hiru aste Ramalako setioan* liburuak batez ere.

Liburu ugari sinatu zituen Paul Nicholsonek arratsaldean stand-ean egin zituen ordu mugituetan, baina ez zitzaion nekerik nabari, pozik aritu zen lan horretan. «Salmenta hutsa baino zerbait gehiago» ikusten du

Durangoko Azokan Nicholsonek. «Kultura kaleratzen da, eta, liburu honen kasuan, esperientzia sozial bat».

Joxe Antonio Korta ELA sindikatuko kidea izan zen liburua Nicholson berari erosi ziotenetako bat, baina, oro har, «denetariako» zeuden eroslearen artean. «Bai gazteak eta bai nagusiak». Preso batentzako erositako liburua ere sinatu zuen Nicholsonek.

Nekazarien azoketan baino salmenta hobeak

«Nekazarien azoketan jende asko ikusten da, eta ez da horrenbeste erosten», komentatu zuen Nicholsonek, konparazioa egiteko eskatuta. «Hemen jende gehienak dauka eskuan boltsa bat, jende gehienak erosten du zerbait. Durangoko Azokan nekazarien azoketan baino gehiago saltzen dela uste dut».



JON URBE / ARGAZKI PRESS

Bisitari ugari izan zituen EGUNKARIAren erakusmahaiak.

Durangoko Azoka urtero bisitatzeko ohitura du Nicholsonek, eta aurrean ere itzultzeko asmoa du, baina «paseoan ibiltzera», atzo baino lasaitasun handiagoz, liburuak eta diskoak begiratu eta erosteko.

Beste askok bezala, EGUNKARIAKO stand-ak ere arazoak izan zituen itoginekin, batez ere arratseko partean. Baina *Egunkaria*ko boltsa txuri handiek

eren balioa erakutsi zuten beste behin, haiei esker babestu baitzituzten saltzaileek produktuen uraren erasoetatik.

Gaurko arazoak konponduta izatea espero dute, eta produktuen salmenta normaltasun osoz jarraitzeko aukera izatea. Azken batean, horixe baita Durangoko Azokako stand guztietako arduradunek gaurkoegunari begira nahi dutena.

AURKEZPENA

Herrien arteko elkartasunari buruzko liburua eta agiria aurkeztu ditu Mikelazulo elkateak









Errenterian egindako Herrien 7. Asteko ekitaldietan oinarritutako liburua eta agiria aurkeztu zituen atzo Mikelazulo Elkartek Durangon. Errenterian bizi diren jatorri ezberdinetako 15 lagunen berri emanez, mundu osoko gizateriaren berri ematen du *Bizitzaren pintzelkadak: zu, bestea eta ni* liburu kolektiboak. Agiria, berriaz, gisa berean, Errenterian bizi diren jatorri ezberdinetako 15 lagunek idatzi eta sinatu dute, eta beste horrebestez hizkuntzataraz itzuli.

GAURKO EGITARAUA

Eleberri historikoei buruzko mahai-ingurua egingo dute eguerdian

Gaur, azokaren azkenurren egunean, eleberri historikoen inguruko mahai-ingurua izango da, 12:30ean, eta Patri Urkizuren *Bertso eta korplak kantatuz euskal historia kontatu* hitzaldia, 18:30ean. 20:00etan, berriaz, Kriskitin dantz taldearen saioa izango da, karpatik kanpo, San Agustin kultur gunean.

Durangonobedadeak 02



narratiba & poesia

VICTOR HUGO ■ IMANOL ZURUTUZA ■ KOLDO IZAGIRRE ■ JOAN MARI IRIGOIEN ■ GOTZON GARATE ■ JON ARRETXE ■ ANDER ITURRIOTZ ■ ANA URKIZA ■ ANJEL ERRO

